

**Nunatsinni tarnimikkut napparsimasut atugaat pillugit iliuusissat  
pitsanngorsarneqarnissaat siunertaralugu nuna tamakkerlugu iliuusissamik  
pileraarummik Naalakkersuisut UKA2021-mi saqqummiusseqqullugit Inatsisartut  
aalajangiiffigisassaatur siunnersuut.**

*(Inatsisartunut ilaasortaq, Mikivusuk Thomassen, Inuit Ataqatigiit)*

**pillugu**

**Ilaqutariinnermut Peqqissutsimullu Ataatsimiititaliap**

**siunnersuutip aappasaaneerreqarneranut**

**ISUMALIUTISSIISUTAA**

Ataatsimiititaliap suliarinninnermini uku ilaasortarai:

Inatsisartunut ilaasortaq Malene Vahl Rasmussen, Demokraatit, siulittaasoq  
Inatsisartunut ilaasortaq Mikivusuk Thomassen, Inuit Ataqatigiit, siulittaasup tullia  
Inatsisartunut ilaasortaq Bo Martinsen, Demokraatit  
Inatsisartunut ilaasortaq Anders Olsen, Siumut  
Inatsisartunut ilaasortaq Nikkulaat Jeremiassen, Siumut  
Inatsisartunut ilaasortaq Bo Martinsen, Demokraatit  
Inatsisartunut ilaasortaq Stine Egede, Inuit Ataqatigiit  
Inatsisartunut ilaasortaq Mariane Paviassen, Inuit Ataqatigiit

UKA2020-imi oktoberip 28.-iani siullermeerinninnerup kingorna siunnersuut ataatsimiititaliap misissorpaa.

**1. Siunnersuutip imarisaa siunertaalu**

Nunatsinni tarnimikkut napparsimasut atugaat pillugit nuna tamakkerlugu iliuusissatut pileraarummik matumani siunnersuuteqarnikkut Naalakkersuisut suliaqaqquneqarput.

**2. Siunnersuutip Inatsisartunit siullermeerneqarnera**

Siullermeerinnermi Naalakkersuisut allannguutissatut siunnersuummik saqqummiussaqaqarput. Iliuusissatut pileraarutip UKA2022-imi saqqummiunneqarnissaanik tamanna kinguneqarpoq, taamaattumillu immikkoortoq ataatsimiititaliami suliarineqartussanngorlugu innersuunneqarluni.

### **3. Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuummut tunngavilersuutitut allanneqassasut.

Siunnersuutip piviusunngortinneqarnissaanut aningaasatigut kingunerisassatut taaneqartut siunnersuummut naapertuuttut ataatsimiititaliap maluginiarpaa, taamaalillunilu AC-fuldmægtigimut ukiumut akissarsiaritineqartut 500.000 kr.-t nalinginut missingersorneqarsimalluni. Tamatumunnga ataatsimiititaliaq isumaqataavoq.

### **4. Ataatsimiititaliap siunnersuummik suliarinninnera**

Tarnimikkut napparsimasut iliuusissatut pilersaarut inunnut tarnimikkut napparsimasunut 1400-unut, taakkunanga 145 meeraapput inuusuttuullutillu, suliniutinik iliuusissanik ingerlanneqareersunik aamma nutaanik imaqassaaq.

Naalackersuisut ima allannguutissatut siunnersuuteqarput (Ataatsimiititaliap eqqumaffigeqquaa Naalackersuisup akissuteqaataata qallunaatoortaani kukkusoqarsimammat. Ataatsimiititaliap kalaallisut allassimasoq aallaavigaa):

*”Nunatsinni tarnimikkut napparsimasut atugaat pillugit iliuusissat pitsanngorsarneqarnissaat siunertaralugu nuna tamakkerlugu iliuusissamik pilersaarummik Naalackersuisut UKA2022-mi saqqummiusseqqullugit Inatsisartut aalajangiiffigisassaattut siunnersuut”.*

Iliuusissatut pilersaarummik suliaqarnermi susassa qarfiit akimorlugit suleqatigiilluartoqarnissaanik susassa qarfiillu akimorlugit aaqiisoqarnissaanik kiisalu peqqissaarullugu suliap suliarineqarnissaa ataatsimiititaliamit kissaatigineqarpoq.

### **5. Ataatsimiititaliap inassuteqaatai**

Ataatsimiititaliap isumaqatigiittup siunnersuutaqaartoq akuersissutigineqassoq inassutigaa.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.




---

Malene Vahl Ramussen  
Siulittaasoq



---

Mikivuk Thomassen  
Siulittaasup tullia



---

Anders Olsen




---

Nikkulaat Jeremiassen



---

Bo Martinsen



---

Stine Egede



---

Mariane Paviasen